



**Plazza Plaz - p58 - cunvegna culla banca Raiffeisen**

Cuntschaintamaing ha la Banca Raiffeisen Engiadina Val Müstair fabricchè intuorn la chasa no. 86 in Plaz a Zernez in seis nouv center d'elavuraziun regional. Per reglar ils detagls da la fabrica e da la gestiun da la plazza davant il stabilimaint es gnü abinà üna cunvegna tanter il Cumün da Zernez e la banca Raiffeisen. La cunvegna es gnüda approvada.

**Refacziun inchaschamaint aua da baiver Lavin-Funtanivas – finischun dal proget**

La refacziun dals inchaschamaints d'aua da baiver a Lavin – Funtanivas es gnüda realisada dal 2016 ed ha pudü gnir finida giò cun success dal 2018. La finischun dal proget es gnü tut a cogniziun in sen positiv.

**Zernez Energia 2020 – dumonda da sustegn**

Ün'ulteriura dumonda da sustegn per sanaziuns energeticas d'abitaculs illa fracziun da Zernez our dal fondo Zernez Energia 2020 es gnüda approvada.

**Taxas da la controlla d'abitants**

La suprastanza cumünala ha approvà las novas taxas da la controlla d'abitants chi va in vigur a partir dal mai 2019.

**Controlla da gestiun inviern 2018/19**

Al cumanzamaint da schner 2019 ha fat la cumischiun sindicatoria la controlla da gestiun. La direcziun operativa ha tut in consegna la notizcha d'acta e tilla ha trattada. La resposta es gnüda preschantada ed approvada da la suprastanza.

**Rendaquint 2018**

La suprastanza cumünala ha repassà detagliadamaing il rendaquint 2018 insembel culla cumischiun sindicatoria, cul revisur extern da la Lischana fiduziari SA a Scuol e culla direcziun operativa. Il rendaquint es gnü approvà e deliberà a man da la radunanza cumünala dals 24 gën 2019. A la radunanza cumünala vain proponü da s-chaffir üna prefinanziaziun a favur da la sanaziun da la chasa da scoula.